



Republika e Kosovës - Republika Kosova - Republic of Kosovo

AUTORITETI RREGULLATOR PËR SHËRBIMET E UJIT
REGULATORNI AUTORITET ZA USLUGE VODE
WATER SERVICES REGULATORY AUTHORITY

REPUBLIC OF KOSOVO
ARRU
Water Services Regulatory Authority

Nr. prot./Prot. Br./ Prot. No. 583
Njësia/Jedinica/Unit D
Nr. shires./Upls. Br./Req. No. D
Datë/Date 08.09.2026

Autoriteti Rregullator për Shërbimet e Ujit, duke u mbështetur në nenin 4 paragrafi 3.1, nenin 16 dhe nenin 17 të Ligjit Nr. 05/L-042 për Rregullimin e Shërbimeve të Ujit, si dhe në nenin 4, nenin 9, nenin 12 dhe nenin 13 të Rregullores Nr. 16/2025 për Licencimin dhe Kushtet e Licencës për Ofruesit e Shërbimeve të Ujit, pas shqyrtimit të aplikacionit me nr. 454/D, datë 13.07.2026, "Mitrovica" Sh.A. me seli në Mitrovicë, për përtëritjen/vazhdimin e Licencës së Shërbimit, me datën 08.09.2026, nxjerr këtë:

V E N D I M

Për përtëritjen/vazhdimin e Licencës së Shërbimit

1. APROVOHET aplikacioni i "Mitrovica" Sh.A., për përtëritjen/vazhdimin e Licencës së Shërbimit.
2. PËRTËRIHET/VAZHDOHET Licenca e Shërbimit e KRU "Mitrovica" Sh.A., dhe i lëshohet Licenca e Shërbimit me nr. L-09/2026-04, për periudhën pesë (5) vjeçare, nga data 11.09.2026 deri më 10.09.2031.
3. KRU "Mitrovica" Sh.A., me Licencën e Shërbimit nr. L-09/2026-04, autorizohet për ofrimin e shërbimeve sipas kategorive në vijim:
 - 3.1. Kategoria A – Shërbimet e Ujësjetllësit;
 - 3.2. Kategoria B – Shërbimet e Kanalizimit;
 - 3.3. Kategoria C – Shërbimet e Ujërave të Ndotura;
4. KRU "Mitrovica" Sh.A., autorizohet të ofrojë shërbimet për të cilat licencohet në zonën e shërbimit, e cila përfshin komunat:
 - 4.1. Mitrovicë e Jugut;
 - 4.2. Viushtri - pa përfshirë vendbanimet: Stanoc i Poshtëm dhe Prelluzhë të përcaktuara me Vendimin (të Qeverisë) nr.02/266 e datës 08.08.2025;
 - 4.3. Skënderaj;
 - 4.4. Mitrovicë e Veriut;
 - 4.5. Zveçan;
 - 4.6. Zubin Potok; dhe
 - 4.7. Leposaviq.
5. KRU "Mitrovica" Sh.A., obligohet që shërbimet për të cilat licencohet t'i ofrojë në përputhje me Ligjin Nr. 05/L-042 për Rregullimin e Shërbimeve të Ujit, Rregulloren Nr. 16/2025 për Licencimin dhe Kushtet e Licencës për Ofruesit e Shërbimeve të Ujit, aktet e nxjerra nga ARRU dhe legjislacionin tjetër në fuqi.

6. KRU "Mitrovica" Sh.A., gjatë gjithë periudhës së vlefshmërisë së Licencës së Shërbimit, obligohet të ruajë dhe përmbushë kushtet dhe kriteret mbi bazën e të cilave është bërë përtëritja/vazhdimi i Licencës së Shërbimit.

7. KRU "Mitrovica" Sh.A obligohet të zbatojë detyrimet që rrjedhin nga Memorandumi i Mirëkuptimit, i bashkëngjitur këtij vendimi, në përputhje me kushtet dhe afatet e përcaktuara në të, si dhe të ndërmarrë të gjitha veprimet e nevojshme për përmbushjen e tyre brenda afateve të parapara.

8. Licenca e Shërbimit me nr. L-09/2026-04 i bashkëngjitet këtij vendimi dhe përbën pjesë përbërëse të tij.

ARSYETIM

KRU "Mitrovica" Sh.A., me seli në Mitrovicë, si ofrues ekzistues i licencuar i shërbimeve të ujit, ka paraqitur pranë Autoritetit Rregullator për Shërbimet e Ujit (ARRU) aplikacionin për përtëritjen/vazhdimin e Licencës së Shërbimit, së bashku me dokumentacionin dhe dëshmitë përkatëse të kërkuara për zhvillimin e procedurës së licencimit.

Ligji Nr. 05/L-042 për Rregullimin e Shërbimeve të Ujit përcakton procedurën dhe kushtet për aplikimin dhe përtëritjen e licencës së shërbimit, ndërsa Rregullorja Nr. 16/2025 për Licencimin dhe Kushtet e Licencës për Ofruesit e Shërbimeve të Ujit përcakton procedurat, kriteret dhe kushtet konkrete për përtëritjen/vazhdimin e licencës së shërbimit. Në veçanti, neni 12 i Rregullores Nr. 16/2025 përcakton kushtet për përtëritjen/vazhdimin e licencës së shërbimit, ndërsa neni 13 përcakton vendimmarrjen e Autoritetit pas shqyrtimit të aplikacionit.

Në zbatim të këtyre dispozitave, aplikacioni dhe dokumentacioni i paraqitur nga KRU "Mitrovica" Sh.A., i janë nënshtruar shqyrtimit dhe vlerësimit nga Komisioni për shqyrtimin e aplikacioneve për përtëritjen/vazhdimin e licencave të shërbimit. Komisioni ka shqyrtuar dokumentacionin e dorëzuar dhe ka vlerësuar përmbushjen e kushteve të licencës, si dhe kriteret e përgjithshme dhe të veçanta për përtëritjen/vazhdimin e saj, duke përfshirë kapacitetet profesionale, teknike, operative, financiare dhe administrative të ofruesit.

Gjatë procesit të shqyrtimit dhe vlerësimit është konstatuar se KRU "Mitrovica" Sh.A., ka paraqitur dokumentacionin dhe dëshmitë e nevojshme dhe i plotëson kushtet dhe kriteret e përcaktuara me legjislacionin në fuqi për përtëritjen/vazhdimin e Licencës së Shërbimit, përfshirë kushtet që lidhen me kapacitetet për ofrimin e shërbimeve, qëndrueshmërinë financiare, përmbushjen e kushteve të licencës ekzistuese dhe përgjegjësinë për ofrimin e shërbimeve në zonën e saj të shërbimit.

Në përputhje me nenin 4 të Rregullores Nr. 16/2025, në bazë të aplikacionit dhe dokumentacionit të shqyrtuar, KRU "Mitrovica" Sh.A., autorizohet për ofrimin e shërbimeve sipas kategorive të përcaktuara në dispozitiv të këtij vendimi, në zonën e shërbimit që përfshin komunat: Mitrovicë e Jugut, Vushtrri, Skënderaj, Mitrovicë e Veriut, Zveçan, Zubin Potok dhe Leposaviq.

Pas përfundimit të shqyrtimit dhe vlerësimit të aplikacionit, dokumentacionit dhe dëshmitë të paraqitura, Komisioni për shqyrtimin e aplikacioneve për përtëritjen/vazhdimin e licencave të shërbimit ka vlerësuar se KRU "Mitrovica" Sh.A., i plotëson kushtet dhe kriteret e përcaktuara për përtëritjen/vazhdimin e

Licencës së Shërbimit dhe, rrjedhimisht, i ka rekomanduar ARRU-së përtëritjen/vazhdimin e Licencës së Shërbimit.

ARRU, duke marrë për bazë aplikacionin dhe dokumentacionin e paraqitur, rezultatet e procesit të shqyrtimit dhe vlerësimit, përmbushjen e kushteve dhe kriterëve ligjore dhe rregullative, si dhe rekomandimin e Komisionit, ka konstatuar se janë plotësuar kushtet për përtëritjen/vazhdimin e Licencës së Shërbimit të KRU "Mitrovica" Sh.A., për periudhën e përcaktuar në dispozitiv të këtij vendimi.

Për arsyet e cekura më lart, u vendos si në dispozitiv të këtij vendimi.

Ky vendim hyn në fuqi në ditën e nënshkrimit.

Këshillë juridike: Kundër këtij vendimi pala e pakënaqur ka të drejtë ankese në Komisionin Shqyrtues, në afat prej tridhjetë (30) ditësh, nga dita e pranimit të këtij vendimi.

Vendimi u dorëzohet:

- Arkivit të ARRU-së;
- KRU "Mitrovica" Sh.A.;
- Të gjitha Departamenteve të ARRU;
- Njësisë për Inspektim.

